

# POPERA GA EPÉCHIUWA YEXMAGŪXŪ GA YAXŌGŪXŪTANŪWA NAMUXŪ GA PAURU

*Pauru rü nüxŭ narümoxē ga yema yaxōgŭxŭ ga Epéchiuarŭ iānewa yexmagŭxŭ*

<sup>1</sup> Pa Chaueneēgŭ ya Epéchiuwa Ngēxmagŭxe, choma i Pauru nixŭ i pexcèx chanaxŭmatŭxŭ i ñaã popera. Rü choma i Pauru chixŭ i Tupana choxŭ yaxuxŭ na Ngechuchu ya Cristu choxŭ muxŭcèx na duŭxŭgŭmaã nüxŭ chixuxŭcèx i norŭ ore. Rü pexcèx chanaxŭmatŭ i guxâma i pema ya Epéchiuarŭ iānewa ngēxmagŭxe rü Tupanaârŭ duŭxŭgŭ ixŭgŭxe rü Ngechuchu ya Cristuaxŭ yaxōgŭxe. <sup>2</sup> Rü chanaxwexe i pexŭ narüngŭxēē rü pexŭ nataāēxēē ya Tanatŭ ya Tupana rü tŏrŭ Cori ya Ngechuchu ya Cristu.

*Tupana rü poraãcŭ tŭxŭ narüngŭxēē erŭ Cristuarŭ duŭxŭgŭ tixŭgŭ*

<sup>3</sup> Rü name nixŭ i nüxŭ ticuèxŭgŭ ya Tanatŭ ya Tupana ya tŏrŭ Cori ya Ngechuchu ya Cristunatŭ ixŭcŭ. Erŭ nüma ya Tupana rü Cristugagu tŭxna nanaxã i naguxŭraŭxŭ i ngŭxēēgŭ i ũnèxŭ i dauxŭguxŭ i naanewa taxcèx ne namugŭxŭ. <sup>4-5</sup> Rü tautama naãne ũxgu, rü Cristugagu Tupana tŭxŭ nade na napèxewa ixŭnègŭxŭcèx rü na nataxuxŭcèx i tŏrŭ chixexŭ i napèxewa. Rü Tupana rü poraãcŭ tŭxŭ nangechaŭ. Rü yemacèx

nuxcūmamatama tūxū naxuneta na naxācūgūxū tūxū nadexūcèx Ngechuchugagu. Rū yemaācū nanaxū yerū yema nixī ga norū ngúchaŭ. <sup>6</sup> Rū ngēmacèx name nixī i guxūguma nūxū ticuèxūūgū ya Tupana. Erū nūma rū poraācūxūchima tamaā namecūma rū poraācū tūxū narūngūxēē ga yexguma taxcèx nūma namuāxgu ga Nane ya nūxū nangechaŭxūchicū. <sup>7</sup> Rū Tupana rū poraācū tūxū nangechaŭ, rū yemacèx nanamu ga Nane na taxcèx nayuxū rū nagū inabaxū na yemaācū tūxū ínanguxūxēēúcèx rū tūxū nūxū nangechaŭxūcèx ga tórū pecadugū. <sup>8</sup> Rū Tupana tūxū nūxū nadauxēē na ñuxācū poraācū tūxū nangechaŭxū ga yexguma tūxna naxāāxgu ga guxūma ga tórū cuèx na taāxū icuáxūcèx rū tūxū natauxchaxūcèx i norū ore. <sup>9</sup> Rū tūxū nūxū nacuèxēē ga norū ngúchaŭ ga noxri nūxīcatama nūxū nacuáxū. Rū yema norū ngúchaŭ ga nuxcūmaxūchima Cristumaā nagu naxīnūxū ga Tupana, rū yema nixī ga ñoma ga naānewa na namuāxū na tūxū yamaxēxēēúcèx. <sup>10</sup> Rū yema nagu naxīnūxū nixī na Cristumēxēwa nangēxmaxēēāxū i guxūma i daxūguxū i naānewa ngēxmaxū rū guxūma i ñoma i naānewa ngēxmaxū. Rū ngēmaācū tá nanaxū ya Tupana i ngēxguma nawa nanguxgu na yanguxēēāxū. <sup>11</sup> Yerū naxūpa ga ñoma ga naane naxūxū ga Tupana, rū woetama tomaā nanaxuegu na Cristugagu tanayauxgūxūcèx i ngēma maxū i taguma gúxū i nūma toxna naxāxchaŭxū na aixcūma naxcèx tamaxēxūcèx. Rū aixcūma yemaācū nanaxū yerū yema nixī ga norū ngúchaŭ ga Tupana ya guxūma ūcū, ngēma nūma nagu naxīnūxūācūma. <sup>12</sup> Rū yemaācū

Tupana tomaã nanaxuegu na toma i toxira Cristuaxŭ yaxõgũxe naxcèx tamaxẽxũcèx rü nüxŭ ticuèxüũgũxũcèx naxcèx i norü pora i üünexŭ. <sup>13</sup> Rü yexgumarüŭ ta ga pema i EpéchiucŭĀxgũ, rü yexguma nüxŭ pexĩnüēgu ga yema ore i aixcũma ixĩxŭ i tüxŭ maxẽxẽēxŭ, rü yexguma Cristuaxŭ peyaxõgũgu, rü namücũgũ pixĩgũ. Rü Tupana ga tamaã ixunetacü na tüxna namuãxũcèx i Naãe i Üünexŭ, rü marü pexna nanamu i ngẽma Naãe na nüxŭ pecuáxũcèx na aixcũma norü duũxũgũ pixĩgũxŭ. <sup>14</sup> Rü ngema Naãe i Üünexŭ ga Tupana tüxna muxŭ, rü ngemaawa nixĩ i nüxŭ icuáxŭ na aixcũma Tupana tá tüxna naxãxŭ i guxũma i ngema tamaã inaxunetaxŭ. Rü ngẽxguma wena núma naxũxgu ya Cristu na nügũxũtawa tüxŭ nagagũxũcèx rü aixcũma tá tanayaxu i guxũma i ngema Tupana tomaã nüxŭ ixuxü. Rü ngẽmacèx name nixĩ na nüxŭ icuèxüũgũxŭ ya Tanatü ya Tupana ya üxü necü.

*Pauru rü yaxõgũxũcèx nayumüxē.*

<sup>15-16</sup> Rü ngẽmacèx, ñuxma na nüxŭ chacuáxŭ na aixcũma tórü Cori ya Ngechuchuaxŭ peyaxõgũxŭ rü na aixcũma nüxŭ pengechaũgũxŭ i guxũma i ngẽma togü i Tupanaãrü ixĩgũxŭ, rü ngẽmacèx taguma nüxŭ charũchau na pexcèx moxē nüxna chaxãxŭ rü pexna chacuèxãchixŭ i chorü yumüxēwa. <sup>17</sup> Rü ngẽxguma namaã chideaxgu ya Tanatü ya Tupana ya mexẽchicü ya Nanatü ya tórü Cori ya Ngechuchu ya Cristu, rü naxcèx nüxna chaca na pexna naxããxũcèx i ngẽma cuèx i Naãe i Üünexŭwa ne ũxŭ. Rü ngẽma Naãe i Üünexŭ tá nixĩ i pexcèx nangoxẽēxŭ i Tupanaãrü ore i

mexŭ na yexeraãcü nüxŭ pecuáxŭcèx ya Tupana.  
 18 Rŭ Tupanana naxcèx chaca na nümatama pexŭ yangoxnaãèxèèxŭcèx, na nüxŭ pecuáxŭcèx na tacü yïixŭ i ngēma ípenanguxèèxŭ i naxcèx pexŭ nadexŭ. Rŭ nüxna naxcèx chaca na pexŭ nüxŭ nacuèxèèxŭcèx na ñuxãcü namexèchixŭ i ngēma maxŭ i taguma gúxŭ i nüma norü duŭxŭgücèx namexèèxŭ i daxŭguxŭ i naãnewa. 19-20 Rŭ ngēxgumarŭŭ ta rŭ nüxna naxcèx chaca na pexŭ nüxŭ nacuèxèèxŭcèx na ñuxãcü nataxŭchixŭ i norü pora i tawa ngēxmaxŭŭ rŭ namaã tüxŭ nangŭxèèxŭ i yixema na yaxōgŭxŭ. Rŭ ngēmatama pora i taxŭmaã nixŭ ga napuracŭxŭ ga Tupana ga yexguma yuwa Cristuxŭ ínadaxèègu rŭ daxŭguxŭ ga naãnewa nagaãxgu rŭ nügŭarŭ tŭgŭnecŭwawa yanatoxèèãgu na guxãarŭ ãèxgacü yïixŭcèx.  
 21 Rŭ yemaãcü guxŭetŭwa nanayexmaxèè. Rŭ ngēmacèx i ñuxma rŭ Cristumèxèwa nangèxmagŭ i guxŭma i daxŭguxŭ i naãnecŭãx i ãèxgacŭgŭ rŭ guxŭma i ñoma i naãnecŭãx i ãèxgacŭgŭ. Rŭ ngēmaãcü naxmèxwa nangèxmagŭ i guxŭma i pora i ñuxma ngèxmagŭxŭ rŭ guxŭma i pora i tá ngèxmagŭxŭ. Rŭ ngēmaãcü i nüma rŭ guxŭ i ãèxgacŭgŭarŭ ãèxgacü tá nixŭ i guxŭguma.  
 22 Rŭ yemaãcü ga Tupana rŭ marŭ Cristumèxèwa nanayexmagŭxèè ga guxŭma. Rŭ yexgumarŭŭ ta Cristuxŭ ningucuchixèè na guxŭma i yaxōgŭxŭèru na yïixŭcèx. 23 Rŭ ñuxma rŭ guxŭma i yaxōgŭxŭ rŭ wŭxigu Cristuarŭ nixŭgŭ. Rŭ nüma nixŭ i tawa nangèxmaxŭŭ i guxãma i yixema i nüxŭ na yaxōgŭxŭ. Rŭ ngēxgumarŭŭ ta nüma nixŭ i nangèxmaxèèãxŭ i guxŭma i tacü i ngèxmaxŭŭ i guxŭwama.

## 2

*Tamaxē erü Tupana tüxü nangechaü*

<sup>1</sup> Rü ūpa ga pema rü perü pecadugagu rü perü chixexügagu ñoma peyuexürüü pixīgü. <sup>2</sup> Yerü ga pema rü nagu pexī ga yema chixexü i ñoma i naānecūāx i duūxügü nagu īxü. Rü pema rü naga pexīnūē ga Chataná i ngoxogüarü āēxgacü ixīxü. Rü nüma nixī i nüxü nangúchaüxēēāxü na chixexü naxügüxücèx i guxüma i ngēma duūxügü i tama Tupanaga ĩnūēxü. <sup>3</sup> Rü guxāma ga yixema rü yemaācü chixri tamaxē ga ūpa. Rü tanaxü ga tóxrütama ngúchaü, rü nagu taxī ga yema taxüne naxwèxexü rü yema taāē naxwèxexü. Rü yemagagu yema togü ga duūxügü ga chixexü ügüxürüü nawa taxügü i ngēma poxcu i āücūmaxüchixü i Tupana mexēēxü. <sup>4</sup> Natürü ga Tupana rü poraācü nüxü tangechaütümüügü rü poraācü tüxü nangechaü. <sup>5</sup> Rü yemacèx, woo tórü pecadugagu ñoma iyueuxürüü tixīgü, natürü ga Tupana rü tüxna nanaxā ga maxü ga yexguma Cristuxü ĩnadaxēēgu. Rü ñuxma rü pexü nangēxma i maxü i taguma gúxü, erü Tupana pemaā namecūma. <sup>6</sup> Rü yema na Ngechuchu ya Cristuxü wena namaxēēxürüü rü tüxü rü ta namaxēxēē ga Tupana. Rü yemaācü nanaxü na yixema rü ta Cristumücügü ixīgüxücèx, rü namaā āēxgacügü ixīgüxücèx i daxüguxü i naānewa. <sup>7</sup> Rü yemaācü nanaxü ga Tupana na guxügutāma duūxügüxü nawéaxücèx na ñuxācü Cristugagu poraācü tüxü nangechaüxü rü tamaā namecūmaxü. <sup>8</sup> Rü yemaācü pemaā namecūma ga Tupana. Rü yemacèx penayaxu ga maxü i taguma gúxü yerü

peyaōgü. Rū ngēma maxŭ rü taxucürüwama pegünatama penaxā, natürü Tupana nixĩ ga pexna naxāmarecŭ ga yema. <sup>9</sup> Rū tama ŧacŭ i mexŭ i pexŭxŭgagu nixĩ i pexŭ nangēxmaxŭ i ngēma maxŭ, natürü Tupana nixĩ ya pexna naxāmarecŭ na ngēmaācŭ taxúema tŭgŭ icuèxŭxŭcèx. <sup>10</sup> Rū Tupana nixĩ ga tŭxŭ maxēxēēcŭ. Rū ñuxma rü tŭxŭ nangēxma i ngēma maxŭ yerü Ngechuchu ya Cristu tórü pecaducèx nayu. Rū Tupana tŭxna nanaxā i ngēma maxŭ na meā imaxēxŭcèx rü mexŭ ixŭgŭxŭcèx. Rū yemaācŭ tŭxŭ narŭngŭxēē ga Tupana yerü woetama nuxcŭmaxŭchima marü yemagu narŭxĩnŭ.

*Cristu nixĩ ya yigŭmaā tŭxŭ rŭngŭxmŭēēcŭ*

<sup>11-12</sup> Rū ngēmacèx i pema na tama Yudíugŭ pixĩgŭxŭ, rü name nixĩ i nüxna pecuèxāchie na tama toxrŭŭ na pixĩgŭxŭ ga noxri rü tama Tupanaxŭ na pecuèxgŭxŭ. Rū yema na tama toxrŭŭ pixĩgŭxŭ rü yemacèx ga toma ga Yudíugŭ i togŭ na ítawiechèxmŭpēxechiraŭgŭxŭ, rü nüxŭ tixugŭe na pema rü tama Tupanapēxewa na pimexŭ yerü tama toxrŭŭ pegŭ ípewiechèxmŭpēxechiraŭgŭ. Rū yexguma ga pema rü tama Cristuxŭ pecuèxgŭ, yerü tama Tupanaärü duŭxŭgŭ i Yudíugŭtanŭxŭ pixĩgŭ. Rū tama nüxŭ pecuèxgŭ ga Tupana núma na namuxŭ ga Nane na duŭxŭgŭarü pecaducèx nayuxŭcèx na nüxna naxāxŭcèx i maxŭ i taguma gúxŭ. Rū woo ga yema mexŭgŭ ga Yudíugŭmaā inaxunetaxŭ ga Tupana, rü taxucürüwa penayaxu. Yerü ñoma ga nañewa rü pemaxēmare, rü tama nüxŭ pecuèx ga ŧacŭ chi pexŭ na ŭpetŭxŭ ga yexguma chi peyuegu

yerü tama Tupanaxŭ pecuèx. <sup>13</sup> Natürü woo ga noxri rü tama Tupanaxŭ na pecuáxŭ, natürü i ñuxma rü nügüxütawa pexŭ nagagü. Rü Ngechuchu ya Cristuarü duŭxŭgü pixŭgü yerü pexcèx nayu rü nagü inanaba. <sup>14-15</sup> Rü ñuxma rü Cristu nixŭ ya tüxŭ rüngüxmüèxècŭ. Rü noxri ga toma ga Yudŭgü rü pexchi taxaie yerü tama toxrŭŭ Yudŭgü pixŭgü. Natürü i ñuxma rü Cristu marü yigümaã tüxŭ narüngüxmüèxèè. Rü yemaãcŭ wüxitama i duŭxŭgüxŭ tüxŭ nixŭgüxèè rü inayanaxoxèè na yigüarü uwanü ixŭgüxŭ. Rü yexguma nayuxgu ga Cristu rü tüxŭ ínangüxŭxèè na tama natüüwa iyexmagüxŭcèx ga yema nuxcümaŭgüxŭ ga mugü ga toma ga Yudŭgü nagu taxŭxŭ. Rü wüxitama i duŭxŭgü i ngexwacaxŭxŭ tüxŭ nixŭgüxèè i toma i Yudŭgü na tixŭgüxŭ rü pema i tama Yudŭgü na pixŭgüxŭ. Rü yemaãcŭ nanaxü na guxãma i yixema rü norü duŭxŭgü na ixŭgüxŭcèx. Rü yemaãcŭ yigümaã tüxŭ inarüngüxmüèxèè. <sup>16</sup> Rü yexguma curuchagu nayuxgu ga Cristu, rü inayanaxoxèè ga yigüchi na ixaie xŭ. Rü yemaãcŭ ga Cristu rü Tupanamaã tüxŭ inarüngüx-müèxèè, rü wüxitama i duŭxŭgüxŭ tüxŭ nixŭgüxèè. <sup>17</sup> Rü yexguma Cristu núma ŭxgu, rü taxcèx núma nanange ga ore ga mexŭ ga marü yigümaã rü Tupanamaã na rüngüxmüèxŭ. Rü yema ore rü toxcèx nixŭ i toma i Yudŭgü ga toxira Tupanaxŭ na tacuáxŭ. Rü yema ore rü pexcèx rü ta nixŭ ga woo tama Tupanaxŭ na pecuèxgüxŭ ga noxrix. <sup>18</sup> Rü ñuxma rü guxãma i yixema rü Cristugagu tüxŭ natauxcha na Tanatü ya Tupanana ingaicamagüxŭ. Rü

ngēmatama Naãē i Üünexŭ nixĩ i tüxŭ rüngŭxēēxŭ na nüxna ingaicamagŭxŭcèx ya Tanatŭ ya Tupana. 19 Rŭ ngēmacèx i pema rŭ woo tama Tupanaxŭ pecuèxgŭ ga noxrix, rŭ woo tama norŭ duŭxŭgŭ pixĭgŭ ga yexguma, natŭrŭ tama ngēmaãcŭ pixĭgŭ i ñuxmax. Erŭ ñuxma rŭ natanŭxŭ pixĭgŭ i guxŭma i ngēma duŭxŭgŭ i Tupanaärŭ ixĭgŭxŭ. Rŭ aixcŭma Tupanaxãcŭgŭxŭchi pixĭgŭ i ñuxmax. 20-22 Guxãma i pema rŭ wŭxi ya ĩpata ya mexŭne ya Tupana nawa maxŭne pixĭgŭ. Rŭ ngēma cementu i ladriyu naetŭgu nugŭxŭ, rŭ ngēma rŭ Tupanaärŭ ngúexŭgŭ ga imugŭxŭ rŭ norŭ orearŭ uruŭgŭ nixĩ. Rŭ yima ladriyu ya nüxirama cementuétŭwa ixŭcuchicŭ rŭ Cristu nixĩ. Rŭ ngēma inanaxŭgŭ na naxŭãxŭ ya guxŭnema ya yima ĩ. Rŭ düxwa ningŭ na wŭxi ya tupauca ya taxŭne ya Cristugagu ũnenene na yĩxŭ. Rŭ ngēmaãcŭ i pema na Cristuarŭ pixĭgŭxŭ rŭ wŭxigu tomaã peyanguxēē ya wŭxi ya tupauca ya taxŭne i ngextá Tupanaãē i Üünexŭ ĩmaxŭxŭwa.

### 3

*Tupana rŭ Pauruxŭ namu na ore i mexŭxŭ yax-  
uxŭ namaã ga yema duŭxŭgŭ ga tama Yudŭgŭ  
ixĭgŭxŭ*

1 Rŭ ñuxma na yemaãcŭ Tupana pexŭ rüngŭxēēxŭ, rŭ choma i Pauru rŭ pexcèx chayumŭxē. Rŭ pemaã nüxŭ chixu rŭ núma poxcupataŭwa changēxma erŭ Ngechuchu ya Cristuarŭ duŭxŭ chixĩ. Rŭ nuxma chapoxcu erŭ guxŭwama nüxŭ chixuchiga na pema rŭ ta pexŭ nangēxmaxŭ i pechica i Tupanaxŭtawa



woo na tama Yudíugü pixĩgüxũ. <sup>2</sup> Rũ maneca marũ nüxũ pecuáchiga na ñuxãcü Tupana choxũ nangechaũãcüma choxũ muxũ na pexũ charüngũẽxũcèx rü pemaã nüxũ chixuxũcèx i norũ ore i mexũ. <sup>3</sup> Rũ Tupana chomaã nanangoxẽẽ rü choxũ nüxũ nacuèxẽẽ ga yema ore ga pechiga ga noxri nüxĩcatama nüxũ nacuáxũ. Rũ yemachiga nixĩ ga írarüwa marũ pexcèx chanaxümatüxũ ga noxrix. <sup>4</sup> Rũ yexguma pexcèx chanaxümatügu rü pemaã nüxũ chixu ga yema noxri ëxũguxũ ga ore i ñuxãcü Tupana rü Cristugagu duũxũgüxũ namaxẽxẽxũ. Rũ ngẽxguma meã nawa pengúegu i ngẽma popera rü tá nüxũ pecuèx na aixcüma yĩxũ ga yema ore ga noxri ëxũguxũ ga nachiga pexcèx chaxümatüxũ. <sup>5</sup> Rũ yema nixĩ ga ore ga ëxũguxũ ga Tupana taxúexũma meã nüxũ nacuèxẽẽxũ ga noxrix. Natürü i ñuxma rü ngẽma Naãe i Üünexũ rü marũ nanangoxẽẽ i ngẽma ore naxcèx i Tupanaärü duũxũgü i üünexũ i yamugüxũ rü norũ orearü uruũgü. <sup>6</sup> Rũ ñuxma rü tá pemaã nüxũ chixu i ñuxãcü na yĩxũ i ngẽma ore ga noxri ëxũguxũ. Rũ dücax, woo tama Yudíugü pixĩgü natürü i ñuxma rü pexcèx rü ta nixĩ i ngẽma maxũ i taguma gúxũ ga noxri Tupana tomaã ixunetaxũ. Rũ ñuxma i pema rü ta norũ duũxũgü pixĩgü. Rũ pexcèx nixĩ i guxũma i ngẽma Tupanaärü unetagü ga noxri tomaã nüxũ yaxuxũ. Rũ ngẽmaãcü i ñuxma rü Ngechuchu ya Cristugagu pexũ nangẽxma i guxũma i ngẽma mexũgü erü peyaxõgü i norũ ore i tüxũ maxẽxẽẽxũ. <sup>7</sup> Rũ woo taxuwama chame na chanaxüxũcèx i norũ puracü, natürü ya Tupana rü choxũ namuãma rü choxũ naporaxẽẽ

na nüxŭ chixuxŭcèx i ngēma norü ore i mexŭ.  
 8 Rŭ chaugŭcèx i Tupanapēxewa rŭ choma nixŭ  
 i guxŭ i norü duŭxŭgŭarŭ ñaxtŭwaama chaxŭxŭ.  
 Rŭ woo ngēmaācŭ chixŭ, natŭrŭ Tupana choxŭ  
 nangechaŭ rŭ choxna nanaxā i ngēma puracŭ  
 i mexŭ na ngēma tama Yudŭgŭ ixŭgŭxŭmaā  
 nüxŭ na chixuxŭcèx i norü ore i mexŭ na  
 ñuxācŭ namexēchixŭ rŭ taguma iyagŭxŭ ga  
 yema taxcèx naxŭxŭ ga Cristu. 9 Rŭ nüma ga  
 Tupana ya guxŭārŭ ŭruŭ ixŭcŭ, rŭ choxŭ namu  
 na guxŭ i duŭxŭgŭxŭ nüxŭ chacuèxēēxŭcèx na  
 ñuxācŭ yŭxŭ i ngēma norü ngŭchaŭ ga nuxcŭma  
 ēxŭgŭxŭ ga noxri nüxŭcatama nüxŭ nacuáxŭ.  
 Rŭ ngēma norü ngŭchaŭ nixŭ i Cristugagu tŭxŭ  
 na namaxēxēēxŭ. 10 Rŭ yemaācŭ choxŭ namu  
 ga Tupana na ngēma duŭxŭgŭ i tama Yudŭgŭ  
 ixŭgŭxŭmaā nüxŭ chixuxŭcèx i ore i mexŭ na  
 yaxōgŭāxŭcèx. Rŭ nüma ya Tupana nanaxwèxe  
 na yaxōgŭāxŭ na ngēmaācŭ guxŭma i āēxgacŭgŭ  
 i daxŭcŭāx nüxŭ nadaugŭxŭcèx na ñuxācŭ nüxŭ  
 nacuèxŭchixŭ ga Tupana ga yexguma duŭxŭgŭaxŭ  
 natauxchaxēēāgu na naxŭtawa nangugŭxŭcèx.  
 11 Rŭ yemaācŭ nüxŭ nanatauxchaxēē ga Tupana  
 yerŭ woetama nuxcŭmaxŭchima guxŭguma nagu  
 narŭxŭnŭ na tórŭ Cori ya Ngechuchu ya Cristugagu  
 tá na namaxēxēēāxŭ i duŭxŭgŭ. Rŭ yemaācŭ  
 nayanguxēē. 12 Rŭ ñuxma na Cristuarŭ duŭxŭgŭ  
 ixŭgŭxŭ rŭ nüxŭ na yaxōgŭxŭ, rŭ tŭxŭ natauxcha  
 na Tupanana ingaicamagŭxŭ rŭ taxucèxma nüxŭ  
 na imuŭēxŭ. 13 Rŭ ngēmacèx i ñuxma na pexcèx  
 ngŭxŭ chingexŭ rŭ pexŭ chacèēxŭ na tama  
 chauxcèx pexoegaāégŭxŭcèx. Erŭ ngēma ngŭxŭ  
 na chingexŭ i ñuxma rŭ perŭ meruŭ nixŭ i ngēma.

*Cristu rü poraãcü tüxũ nangechaũ*

<sup>14</sup> Rü ngẽmacèx, ngẽxguma nagu charüxĩnũgu na ñuxãcü Tanatü ya Tupana taxcèx namexẽẽxũ na naxãcügü ixĩgüxücèx, rü napẽxegu chacaxãpüxü na nüxũ chicuèxüũxücèx. <sup>15</sup> Rü nüma nixĩ i Nanatü yiĩxũ i guxũma i norü duũxũgü i ñoma i naãnewa rü daxũguxũ i naãnewa ngẽxmagüxũ. <sup>16</sup> Rü Tanatü ya guxũguma poraãcü tamaã mecümacüna chaca na Naãẽ i Üünexũãrũ ngüxẽẽmaã pexũ naporaexẽẽxücèx na aixcüma peporaexücèx i perü maxũwa. <sup>17-18</sup> Rü ngẽxgumarüũ ta nüxna naxcèx chaca na perü õgagu pewa namaxũxücèx ya Cristu. Rü ngẽxguma ngẽmaãcü perü maxũwa peporaegu rü pexũ nangẽxmagu i ngẽma ngechaũ i aixcüma ixĩxũ, rü tá wüxigu guxũma i yaxõgüxũmaã nüxũ pecuèx na ñuxãcü nataxüchixũ i norü ngechaũ i namaã tüxũ nangechaũxũ ya Cristu. <sup>19</sup> Rü woo tama yanguxgu i tórü cuèx na nüxũ icuáxücèx na nañuxraũxũ i ngẽma ngechaũ i namaã Cristu tüxũ ngechaũxũ, natürü Tupanana naxcèx chaca na pexcèx nangoxẽẽãxücèx na ñuxãcü na yiĩxũ i ngẽma ngechaũ na aixcüma pewa nangẽxmaxũ i guxũma i Tupanacümagü. <sup>20</sup> Rü ñuxma rü name nixĩ i guxãma i yixema rü nüxũ ticuèxüũgü ya Tupana. Erü nüma rü nüxũ nangẽxma i pora na naxüãxũ i guxũma i ngẽma naxcèx íçaxũ rü éxna nagu rüxĩnüèxũãrũ yexeraxüchi. Rü ngẽma norü pora i tawa ngẽxmaxũmaã nixĩ i naxüãxũ i guxũma i ngẽma. <sup>21</sup> Rü ñuxma rü name nixĩ i guxũma i norü duũxũgü i yaxõgüxũ rü guxũgutáma Tupanaxũ nicuèxüũgü naxcèx i ngẽma Ngechuchu ya Cristu üxũ. Rü ngẽmaãcü yiĩ.

## 4

*Tupanaãē i Üünexŭ rŭ wŭxigutama tŭxŭ narŭxŭnŭxēē*

<sup>1</sup> Rŭ ñŭxma na ngēmaãcŭ Tupana tŭxŭ rŭngŭxēēxŭ, rŭ choma i Cristugagu na chapoxcuxŭ, rŭ pexŭ chacèèxŭ na Tupana naxwèxexŭãcŭma meã pemaxēxŭ. Rŭ name nixŭ i ngēmaãcŭ pemaxē erŭ pexŭ nixŭ ga nadexŭ ga Tupana, rŭ norŭ duŭxŭgŭ pixŭgŭ i ñŭxmax. <sup>2</sup> Rŭ tama name i pegŭ picuèxŭxŭgŭ. Rŭ name nixŭ i guxŭguma pemecŭmagŭ rŭ yaxna namaã pexŭnŭē i togŭ rŭ nŭxŭ pengechaŭgŭ. <sup>3</sup> Rŭ chanaxwæ i wŭxigu perŭxŭnŭē rŭ ñoma wŭxitama i duŭxŭrŭŭ pixŭgŭ erŭ pewa nangēxma i Tupanaãē i Üünexŭ. Rŭ name nixŭ i naxcèx pedau na guxŭguma pegŭ pengechaŭgŭxŭ rŭ ngēmaãcŭ taguma tacŭcèx pegŭ pitoyexŭ. <sup>4</sup> Erŭ yixema na Cristuarŭ duŭxŭgŭ ixŭgŭxŭ, rŭ ñoma wŭxitama i duŭxŭrŭŭ tixŭgŭ. Rŭ ngēxgumarŭŭ ta wŭxitama nixŭ i Naãē i Üünexŭ i guxãwama maxŭxŭ. Rŭ ngēxgumarŭŭ ta Tupana pexŭ nade na guxãma ípenangŭxēēgŭxŭcèx i wŭxitama i maxŭ i taguma gŭxŭ. <sup>5</sup> Rŭ wŭxitama nixŭ ya tórŭ Cori, rŭ wŭxiaxŭtama nixŭ i yaxōgŭxŭ rŭ wŭxicèxicatama nixŭ ga íbaiŭxŭ ga guxãma. <sup>6</sup> Rŭ wŭxitama nixŭ ya Tupana ya guxãnatŭ ixŭcŭ. Rŭ nŭma rŭ guxãetŭwama nangēxma rŭ guxãwama namaxŭ. Rŭ nŭma rŭ guxãxŭ narŭngŭxēē na tanaxŭxŭcèx i norŭ puracŭ. <sup>7</sup> Natŭrŭ wŭxichigŭ i yixema rŭ tanayaxu i ngēma nacŭma rŭ ngēma cuèx i Cristu tŭxna ãmarechaŭxŭ na naxŭgŭxŭcèx i norŭ puracŭ. <sup>8</sup> Rŭ ngēmacèx i Tupanaârŭ ore i ũmatŭxŭwa rŭ ñanagŭrŭ:

“Rü yexguma daxũguxũ ga naãnewa naxũxgu, rü yema tüxũ nagagũ ga guxema marũ tüxũ ínanguxũxẽ nawa ga túmaarũ chixexũ. Rü norũ duũxũgũna nanaxã ga cuèx na ngema-maã Tupanaarũ puracũ naxũgũxècèx”,

ñanagürũ i ngẽma ore. <sup>9</sup> Rü ñuxma Pa Chaueneẽgũx, rü pexna chaca, rü çtacũchiga nixĩ i ngẽma ore i ñaxũ, “Daxũwa naxũ”, ñaxũ? Rü dücax, ngẽmawa nüxũ tacuèx ga noxri rü ñoma ga naãnegu na ínaxĩxũ ga nümax. <sup>10</sup> Rü gumatama Cristu ga ñoma ga naãnegu írũxĩcũ, rü gumatama nixĩ ga daxũguxũ i naãne i Tupana íngẽxmaxũwa ũxcũ na guxãetũwa nangẽxmaxũcèx rü guxũwama nangẽxmaxũcèx. <sup>11</sup> Rü nümatama nixĩ ga guxema norũ duũxẽgũna naxãaxũ ga túmaarũ cuèx rü túmaarũ puracũ. Rü tüxũ naxuneta ga ñuxre na toxnamana norũ orexũ tayarũxugũxècèx. Rü toguegũ rü tüxna nanaxã ga cuèx na duũxũgũmaã nüxũ tixuxũcèx i ngema norũ ore i tüxũ nüxũ nacuèxẽẽxũ. Rü toguegũ rü tüxna nanaxã ga cuèx na duũxũgũaxũ tanangúchaũxẽẽxũ i Tupanaarũ ore na yaxõgũãxũcèx. Rü toguegũ rü tüxna nanaxã ga cuèx na ngema yaxõgũxũarũ dauruxũgũ tixĩgũxècèx. Rü toguegũ rü tüxna nanaxã ga cuèx na norũ oremaã tangúexẽẽtaegũxècèx. <sup>12</sup> Rü yemaãcũ norũ duũxẽgũna nanaxã ga túmaarũ puracũ rü tímamaã inananguxũxẽ na ngẽma yaxõgũxũxũ tarũngũxẽẽgũxècèx na ngẽmaãcũ guxũma i ngẽma yaxõgũxũ rü yexeraãcũ nüxũ yacuáetanũxècèx i norũ ore. <sup>13</sup> Rü Cristu nanaxwèxe na ngẽma norũ orewa iyaetanũxũ i guxãma i yixema ñuxmatáta wũxigu aixcũma

meã yaxõgü rü meã nüxũ icuèxgü ya Tupana Nane. Rü ngẽmaãcü tá düxwa nawa tangugü na aixcüma Tupana naxwèxexũãcüma ixĩgüxũ, rü tá tiyaetanü i norü orewa ñuxmatáta ñoma Cristu ya aixcüma mexêchicürüü ixĩgü. <sup>14</sup> Rü tãütáma ñoma buxũgürüü tixĩgü i tórü maxũwa. Erü ngẽma buxũgü rü tauxchaãcü toguama narüxĩnüé. Rü ngẽxguma tacü rü to i nguxẽëtaexũ naxĩnüëgu rü ngẽmawe narüxĩ ñuxmata naga naxĩnüé i ngẽma duũxũgü i chixexũ i norü doramaã nawomüxẽëgüxũ rü nachixexẽëgüchaũxũ. Natürü i yixema rü tama name na ngẽxgumarüü ixĩgüxũ. <sup>15</sup> Rü name nixĩ i yigü ingechaũgüãcüma nagu taxĩ i ngẽma ore i aixcüma ixĩxũ, na ngẽmaãcü yexeraãcü naxrũü ixĩgüxũcèx ya Cristu ya guxũma i yaxõgüxũãrũ ãëxgacü ixĩcü. <sup>16</sup> Rü taeru ya Cristuwa nixĩ i ne naxũxũ i tórü pora na naxcèx imaxèxũcèx. Rü guxãma i yixema rü wüxigu naxmèxwa tangèxmagü. Rü ngẽxguma Cristugagu meã wüxigu ipuracüegu rü yigü rüngüxẽëgu rü guxũma meãma inixũ. Rü ngẽmaãcü yigü ingechaũgüãcüma norü orewa tiyaetanü na düxwa nüma nanaxwèxexũãcüma ixĩgüxũcèx.

*Maxũ i ngexwacaxũxũ i Cristugagu tüxũ ngẽxmaxũ*

<sup>17</sup> Rü ñuxma rü Cristuégagu pexũ chaxucuxẽ na tama nagu pexĩxũ i ngẽma chixexũ ga noxri nagu pexĩxũ ga yexguma tauta Cristuaxũ peyaxõgügu. Rü tama name i nagu pexĩ i nacümagü i ngẽma duũxũgü i tama Tupanaxũ cuèxgüxũ i naëchitamare maxèxũ. <sup>18</sup> Erü Chataná rü nanatoõëgü i ngẽma duũxũgü, rü ngẽmacèx

chixexŭguxicatama narŭxĩnŭē. Rŭ nagagugŭtama nŭxŭ nataxuma i maxŭ i taguma gúxŭ i Tupanawa ne ŭxŭ, erŭ tama nŭxŭ nacuèxgŭchaŭ. <sup>19</sup> Rŭ tama naxāneē na ƭacŭ rŭ chixexŭ na naxŭgŭxŭ, rŭ ngēmacèx nagu naxĩ rŭ nŭxŭ namepua i guxŭraŭxŭ i chixexŭgŭ na naxŭgŭxŭ. <sup>20</sup> Natŭrŭ i pema rŭ tama ngēmaācŭ na pemaxēxŭcèx nixĩ i Cristuaxŭ peyaxōgŭxŭ. <sup>21</sup> Yerŭ pema rŭ marŭ meā nŭxŭ pexĩnŭē ga Cristuchiga. Rŭ toxŭtawa naxcèx pengŭe, rŭ nŭxŭ pecuèx i norŭ ore i aixcŭma ixĩxŭ na ñuxācŭ Ngechuchu naxwèxexŭācŭma na pemaxēxŭ. <sup>22</sup> Rŭ ngēmacèx name nixĩ i nŭxŭ perŭxoe i ngēma nuxcŭmaŭxŭ i pecŭmagŭ ga ũpa nagu pexĩxŭ. Yerŭ yema nuxcŭmaŭxŭ ga perŭ maxŭ rŭ nachixexŭchi. Rŭ pexŭ napora rŭ pexŭ nawomŭxēēgŭ na nagu pexĩxŭcèx ga yema pexeneārŭ ngúchaŭgŭ i tama mexŭ. Natŭrŭ i ñuxma rŭ name nixĩ i nŭxŭ perŭxoe i guxŭma i ngēma. <sup>23</sup> Rŭ ngēmacèx i ñuxma na Cristuarŭ duŭxŭgŭ pixĩgŭxŭ rŭ name nixĩ na Tupanaguxicatama perŭxĩnŭēxŭ. Rŭ name nixĩ i Tupanana pegŭ pexāgŭ na Naāē i Ūñexŭ pewa puracŭxŭcèx rŭ na nangexwacaxŭxēēaxŭcèx i peāē. <sup>24</sup> Rŭ name nixĩ i penayaxu i ngexwacaxŭxŭ i pecŭma i Tupana norŭ ngúchaŭmaā pexcèx mexēēxŭ. Rŭ ngēma nacŭma i ngexwacaxŭxŭ rŭ perŭ maxŭ i mexŭwa tá nangox i ngēxguma nagu pexĩxgu i ngēma ore i aixcŭma ixĩxŭ rŭ tama nawe perŭxĩxgu i pexeneārŭ ngúchaŭ. <sup>25</sup> Rŭ ngēmacèx i ñuxma na Cristuarŭ pixĩgŭxŭ rŭ tama name na pidoratèxgŭxŭ. Natŭrŭ name nixĩ i wŭxichigŭ rŭ tŭmamŭcŭmaā aixcŭmaxŭ tixu. Erŭ guxāma i

yixema rü yigütanüxũ i yaxõgüxũ tixĩgü. <sup>26</sup> Rü ngẽxguma texé tacü peãewa nguxẽẽgu rü ;pegüna pedaugü na tama pecadu pexüxücèx! Rü tama name i nagu perüxinüẽẽcha natürü name nixĩ i paxa ngẽmatama i ngunexũgu nüxũ ipeyarüngüma i ngẽma naxüpa na yanaxücuxũ ya üèxcü. <sup>27</sup> Rü pegüna pedaugü na tama penaxüchicaxücèx i Chataná na ngẽmaãcü nayoxniëxücèx rü pemaã inacuáxücèx. <sup>28</sup> Rü ngẽxguma texé petanüwa ngĩtèèxgu ga üpa, rü name nixĩ i nüxũ tarüxo i ngẽma. Rü name nixĩ i tümamëxẽmaã meã tapuracü na ngẽmaãcü tüxũ nangëxmaxücèx i tümäärü ngẽmaxũ na toguãx ya tüxũ nataxúemaã tangauxücèx. <sup>29</sup> Rü tama name i chixexũ i oremaã pidexagü. Rü name nixĩ i ore i mexümaã pidexagü na ngẽmaãcü ngẽma duüxũgü i pexü ñnüëxũxũ perüngüxẽëgüxücèx na yexeraãcü Tupanaga naxĩnüëxücèx rü nataãëgüxücèx. <sup>30</sup> ;Rü pexuãëgü na tama penangechaüxëëxücèx i Tupanaãë i Üünexũ! Erü ngẽma Naãë i Üünexũ nixĩ i Tupana pexna muxũ na nüxũ pecuáxücèx na aixcüma norü duüxũgü pixĩgüxũ ñuxmatáta ngẽma ngunexũ i nagu pexcèx núma naxüxũ ya Cristu. <sup>31</sup> ;Rü nüxũ perüxoe na nagu perüxinüẽẽchaxũ ega texé tacü rü chixexũ pemaã üxgux! Rü ngẽxgumarũ ta name nixĩ na nüxũ perüxoexũ na aïgu perüxinüëxũ, rü ëxna penuëxũ, rü ëxna pegü na pengaxũ, rü ëxna peguxchigawëxegüxũ. Rü ngẽmaãcü name nixĩ na nüxũ perüxoexũ i guxüma i ngẽma chixexũ i dexagü. <sup>32</sup> Rü name nixĩ i pegü perüngüxẽëgü rü pegümaã pemecümagü, rü pegüxũ pengechaütümügü i wüxichigü. Rü



ngēxguma petanüwa texé tacü rü chixexü pemaã üxgux, rü name nixĩ i pegüxü nüxü pengechaügü i wüxichigü yema na Cristugagu Tupana pexü nüxü nangechaüxürü.

## 5

### *Name nixĩ i meã namaxẽ i Tupanaxãcügü*

<sup>1</sup> Rü ñuxma rü Tupanaxãcügü ya pexü nangechaügüxe pixīgü. Rü ngēmacèx name nixĩ i naxcèx pedau na naxrüü meã pemaxëxü rü naxrüü pimexü. <sup>2</sup> Rü name nixĩ i pegü pengechaügü yema Cristu tüxü na ngechaüxürü. Rü nüma rü taxcèx nügü inaxã rü taxcèx nayu. Rü yemaãcü Tupanaxü nataãëxëe yerü yemaãcü tüxü namaxëxëe. <sup>3</sup> Rü ñuxma rü Tupanaãrü duüxügü pixīgü. Rü ngēmacèx tama name i naĩ i ngemaã rü ëxna naĩ ya yatümaã na ipepexü. Rü tama name na pexeneãrü ngúchaüwe perüxixü rü ëxna pegüna penanugüchaüxü i tacü i ngēmaxügü. Rü ngēmacèx name nixĩ i nüxü perüxoe i guxüma i ngēma chixexügü, rü bai i nachiga na pidexagümarexü. <sup>4</sup> Rü tama name i tacü rü ore i ãüächixüxü pixu, rü bai i tacü rü ngeãëxümare pixu, rü bai i texéxü pecugücüraxü. Erü ngēma ore i chixexügü rü taxuwama name. Rü narümemaẽ nixĩ i Tupanana moxë pexãgü. <sup>5</sup> Rü aixcüma pemaã nüxü chixu rü ngēxguma texé naĩ i ngemaã rü ëxna naĩ ya yatümaã ipexgu, rü ëxna tümaxüneãrü ngúchaü taxüxgu, rü taxucürüwama taxãchica i ngextá tórü Cori ya Cristu rü Tanatü ya Tupana ãëxgacü íixixüwa. Rü ngēxgumarüü ta taxucürüwama texé

ngēma taxāchica ega tūgūna tananugūchaūxgu i tacū rü ngēmaxūgū. Erü yíxema ngēma nacūma tūxū ngēxmaxē rü düxwa namaā tatupanaāx i ngēma nacūma i chixexū. <sup>6</sup> ;Rü tama naga pexīnūē ega texé tacū rü ore i ngēāēmarexūmaā pexū womūxēēchaūgu na penaxūxūcèx i ngēma chixexūgū! Erü ngēma chixexūgūgagu nixī i Tupana tá poraācū napoxcuexū i ngēma duūxūgū i tama naga īnūēxū. <sup>7</sup> Rü ngēmacèx tama name i ngēma duūxūgūmaā pexāmūcūgū na pema rü ta tama penaxūxūcèx i ngēma chixexūgū. <sup>8</sup> Rü ūpa ga pema rü ēānexūwa peyexmagū, yerü tama Tupanaxū pecuèx rü chixri pemaxē. Natürü i ñuxma na Tupanaxū pecuáxū rü tórü Coriarü duūxūgū na pixīgūxū, rü ngóonexūwa pengēxmagū. Rü ngēmacèx name nixī i duūxūgū i ngóonexūwa ngēxmagūxūrūū meā na pemaxēxū. <sup>9</sup> Erü ngēxguma ngóonexūwa ingēxmagu, rü mexū taxūgū, rü nagu taxī i ore i aixcūma ixīxū, rü meā tamaxē. <sup>10</sup> Rü ngēmacèx name nixī i naxcèx pedau na nagu pexīxū i ngēma maxū i tórü Cori namaā taāēxū. <sup>11</sup> Rü tama name i pema rü ta penaxū i ngēma chixexūgū i taxuwama mexū i ngēma togū i duūxūgū i ēānexūwa ngēxmagūxū ūgūxū. Natürü narūmemaē nixī i penangoxēē na nachixexū i ngēma naxūgūxū. <sup>12</sup> Erü ngēma chixexū i cúācūma naxūgūxū i ngēma yatūgū rü ngexūgū, rü woo nachiga idexagūmaregu rü wūxi i ānexūchi nixī. <sup>13</sup> Natürü ngēxguma ngóonexū nagu baxigu i tacū rü chixexūgū rü meā tá nangox na ñuxācū nachixexū. <sup>14</sup> Erü guxūma i tacū i ngēxmaxū, rü ngēxguma ngóonexūwa nangēxmagu,

rü meãma nangox na ñuxãcü yĩxũ. Rü ngẽmacèx i Tupanaãrũ orewa rü ñanagürũ:

“¡Nabaixãchi i cuma na cupexũ! ¡Rũ írũda i cuma na icuyarütaxuxũ! ¡Rũ nagu rüxĩnũ na ñuxãcü nachixexũ i ngẽma curũ pecadugũ! Rü Cristu tá cuxcèx nanangóonexẽẽ rü tá cuxũ narüngũxẽẽ na Tupanaxũ cucuáxücèx”,

ñanagürũ i ngẽma ore. <sup>15</sup> Rü ngẽmacèx name nixĩ i pexuãëgũ rü meã pemaxẽ. Rü tama name i ngẽma duũxügũ i tama Tupanaãrũ orexũ cuèxgũxürũũãcüma na pemaxẽxũ, natürũ name na duũxügũ i meã Tupanaga ñnũèxürũ meã na pemaxẽxũ. <sup>16</sup> Rü ñuxma na Tupana pexũ yatauxchaãchixẽẽxũ rü ¡pepaxaãëgũ na nüxũ pepuracüexũ rü penaxüxũ i ngẽma nũma nanaxwèxexũ! Erũ ñomaũcüü i duũxügũ rü poraãcü chixexũ naxügũ. <sup>17</sup> Rü ñuxma na ngẽmaãcü namaxẽxũ i togũ i duũxügũ, rü tama name na naxrũũ pixĩgũxũ. Rü tama name i duũxügũ i ngẽãëmæxürũũ pixĩgũ. Natürũ name nixĩ i Tupanaãrũ orewa pengúe na nüxũ pecuáxücèx i tacü na yĩxũ i tórũ Cori pexũ naxwèxexũ na penaxüxũ. <sup>18</sup> Rü tama name i tacü rü axexũ i ngúchixáxũmaã pengãxẽ, erũ ngẽma rü chixexũ tüxũ naxüxẽẽ i ngèxguma ngẽmaãcü imaxëgu. Natürũ name nixĩ i Tupanaãẽ i Üünexũna pegũ pexãgũ na pewa nangèxmaxücèx rü pemaã inacuáxücèx. <sup>19</sup> Rü name nixĩ i Tupanaãrũ orechigagu rü norũ wiyægũgu pegũmaã pidexagũ rü pegũmaã nüxũ pixu. Rü name nixĩ i nagúxũraũxũ i norũ wiyægũgu pewiyægũ, na ngẽmaãcü guxũne ya perũ maxũnemaã tórũ Corixũ picuèxüũgũxücèx. <sup>20</sup> Rü name nixĩ i

guxŭguma tórŭ Cori ya Ngechuchu ya Cristuégagu moxē nüxna pexāgŭ ya Tanatŭ ya Tupana naxcèx i guxŭma.

*Nŭxācŭ meā nŭgŭmaā namaxē i wŭxi ya ĩpatacŭĀx i Cristuaxŭ yaxōgŭxŭ*

<sup>21</sup> Rŭ nŭxma na Cristumēxēwa pengēxmagŭxŭ, rŭ name nixĭ i pegŭga pexĭnŭē i wŭxichigŭ, erŭ Cristuxŭ pengechaŭgŭ rŭ naga pexĭnŭē. <sup>22</sup> Rŭ pemax, Pa Ngexŭgŭx, rŭ ngēma tórŭ Cori naxwèxexŭrŭŭ rŭ name nixĭ na petega pexĭnŭēxŭ. <sup>23</sup> Erŭ nŭma ya yatŭ rŭ namèxēru nixĭ, ngēxgumarŭŭ ya Cristu na guxŭma i yaxōgŭxŭēru na yĭxŭ. Rŭ nŭmagŭ i yaxōgŭxŭ rŭ Cristuxŭne nixĭgŭ rŭ nŭma ya Cristu nixĭ i norŭ maxēxēēruŭ yĭxŭ. <sup>24</sup> Rŭ ngēxgumarŭŭ na Cristuga naxĭnŭēxŭ i ngēma yaxōgŭxŭ, rŭ ngēxgumarŭŭ ta i ngexŭgŭ rŭ name nixĭ na guxŭguma natega naxĭnŭēxŭ. <sup>25</sup> Rŭ name nixĭ i namèxŭ nangechaŭ ya yatŭ, yema Cristu guxāma ga yaxōgŭxexŭ na nangechaŭxŭrŭŭ. Rŭ yema na tŭxŭ nangechaŭxŭcèx nixĭ ga nayuxŭ ga Cristu. <sup>26</sup> Rŭ yemaācŭ nanaxŭ ga Cristu na nŭgŭxŭ tŭxŭ nadexŭcèx rŭ tŭxŭ yaxŭŭnexēēxŭcèx i guxāma i yixema na yaxōgŭxŭ. Rŭ norŭ oremaā rŭ ngēma dexā i nawa ĩbaiŭxŭmaā tŭxŭ nimexēē na aixcŭma napēxewa imexŭcèx. <sup>27</sup> Rŭ yemaācŭ tŭxŭ nimexēē na nŭgŭtama tŭxŭ nawéxŭcèx na aixcŭma guxŭwama imexŭ rŭ na nataxuxŭma i tacŭ i tórŭ chixexŭ rŭ bai i ĩrarŭwa i ngēxguma napēxewa ingugŭgu. Erŭ tŭxŭ nade na ixŭŭnegŭxŭcèx rŭ guxŭwama imexŭcèx i napēxewa. <sup>28</sup> Rŭ yema Cristu tŭxŭ na ngechaŭxŭrŭŭ, rŭ wŭxichigŭ ya

yatü rü nanaxwèxe na namèxü nangechaüxü ñoma nügüxñexü na nangechaüxürütama. Rü yíxema tümamèxü ngechaüxë rü tügütama nixĩ i tangechaüxü. <sup>29</sup> Erü tataxuma ya texé ya tümaxünechitama aixe, natürü tanaxüwemü rü meãma nüxna tadau ngëma Cristu guxüma i yaxögüxüna dauxürüü. <sup>30</sup> Rü guxãma i yixema na yaxögüxü rü Cristutanüxü tixígü rü ngëmaãcü wüxigu namücügü tixígü. Rü nüma nixĩ i tüxna nadauxü. <sup>31</sup> Rü ngëmacèx i Tupanaãrü ore i ümatüxüwa rü ñanagürü:

“Rü wüxichigü ya yatü rü nanatüna rü naëna tá nixügachi na namèxmaã inaxãüxücèx. Rü ngëma taxre rü wüxi tátama nixígü”,

ñanagürü i ngëma ore. <sup>32</sup> Rü ngëma ore i yatüchiga rü namèxchiga rü wüxi i ore i aixcüma mexü nixĩ. Natürü ñuxma na pemaã nüxü chixuxü i ngëma rü Cristuchiga rü yaxögüxüchiga nixĩ i chidexaxü. <sup>33</sup> Natürü ngëma ore rü pechiga ta nixĩ. Rü ngëmacèx i wüxichigü i pema i yatügü rü name nixĩ i pemèxü na pengechaüxü ngëma pegütama na pengechaüxürüü. Rü ngëxgumarüü ta i pema i ngexügü rü penaxwèxe i petega pexĩnüë.

## 6

<sup>1</sup> Pa Buxügüx, ñuxma na Cristuarü pixígüxü, rü name nixĩ i penatüga rü peega pexĩnüë, erü ngëma nixĩ i aixcüma mexü. <sup>2-3</sup> Yerü yema mugü ga Tupana Moïchéna äxütanüwa rü yema mu ga nüxĩra wüxi ga unetamaã Tupana nüxü ixuxü, rü ñanagürü:

“¡Rü tüxŭ nangechaŭ rü tüxŭ rüngŭxēē ya cunatŭ rü cue na aixcŭma cutaãēxŭcèx rü namáxŭcèx i curŭ maxŭ i ñoma i naãnewa!”

ñanagŭrŭ. <sup>4</sup> Rü pemax, Pa Papágŭ rŭ Pa Mamágŭx, rŭ tama name i penangamare rŭ penanuēxēē i pexacŭgŭ. Rŭ name nixŭ i meã penayaexēē, rŭ peyaxucŭxēgŭ rŭ penangŭxēē na meã tŏrŭ Coriaxŭ yaxŏgŭãxŭcèx. <sup>5</sup> Rü pemagŭ, Pa Duŭxŭgŭ ya Ixããrŭ Coriãxgŭe, rŭ name nixŭ i meã naga pexŭnŭē i perŭ corigŭ i ñoma i naãnewa. Rŭ penaxwèxe i nüxŭ pengechaŭgŭãcŭma rŭ nüxŭ pemuŭēãcŭma meã naga pexŭnŭē ñoma Cristuaxŭ pepuracŭexŭrŭŭ. <sup>6</sup> Rü tama name ega perŭ corigŭ pexŭ dawenŭguxicatama meã nüxŭ pepuracŭe na ngēmaãcŭ pemaã nataãēxŭcèx. Natŭrŭ ñŭxma na Cristuarŭ duŭxŭgŭ pixŭgŭxŭ, rŭ name nixŭ i guxŭma i perŭ ngŭchaŭmaã penaxŭ i ngēma Tupana pexŭ naxwèxexŭ. <sup>7</sup> Rü ngēma puracŭ i perŭ cori pexna ãxŭ, rŭ name nixŭ i petaãēãcŭma penaxŭ, ñoma tŏrŭ Cori ya Ngechuchuaxŭ pepuracŭexŭrŭŭ. Erŭ aixcŭma nüxŭ nixŭ i pepuracŭexŭ rŭ tama i duŭxŭgŭaxŭ. <sup>8</sup> Rü name nixŭ i ngēmaãcŭ meã pepuracŭe, erŭ nüxŭ pecuèx rŭ wŭxichigŭ i duŭxŭ rŭ woo wŭxi i coriarŭ duŭxŭ yixŭgu rŭ ěxna taxŭxearŭ yixŭgu, natŭrŭ tŏrŭ Cori ya Ngechuchu tá nüxŭ nanaxŭtanŭ naxcèx i ngēma mexŭ i naxŭxŭ. <sup>9</sup> Rü pemax, Pa Corigŭx, rŭ name nixŭ i ngēxgumarŭŭ ta meã namaã pemaxē i perŭ duŭxŭgŭ. Rŭ tama name i tacŭ rŭ chixexŭmaã penaxãŭxŭne. Rŭ nüxna pecuèxãchie na pema rŭ ta perŭ duŭxŭgŭrŭŭ tŏrŭ Cori ya daxŭgucŭmēxēwa na pengēxmagŭxŭ. Rŭ aixcŭma guxãma i yixema rŭ tawŭxigu i napēxewa ya tŏrŭ Cori ya Cristu.

*Cristuarü duũxügiarü poxüruũ i Tupana nüxna  
ãxü na nügü namaã ínapoxügiücèx naxchaxwa i  
Chataná*

<sup>10</sup> Rû ñuxma na tórü Corimücügü pixĩgüxü, Pa Chaueneëgüx, rü name nixĩ i pegü peporaexëẽ na penayaxuxücèx i ngema pora i nawa ne üxü. Erü nüma rü naporaxüchi. <sup>11</sup> Rû pegü panaxú i guxüma i ngema poxüruügü i Tupana pexna ãxü na ngëmamaã pegü ípepoxüxücèx i ngëxguma Chataná pexü womüxëẽchaũgu! <sup>12</sup> Erü tama duũxügü i taxrüü âmachixü rü ãxchinaxãxümaã nixĩ i yigü idaixü. Natürü ngëma namaã yigü idaixü nixĩ i Chatanáãrü duũxügü i ngoxogü i chixexügü i poraexü. Rû nümagü rü namuxüchi rü tüxü narüporamaëgüchaũ. Rû tama nüxü tadaugü erü naãëgü nixĩ, natürü guxüwama nangëxmagü i ñoma i naãnewa. Rû namaã inacuèx i ñoma i naãne i chixexü. <sup>13</sup> Rû ngëmacèx name nixĩ i penayauxgü i guxüma i ngëma poxüruügü i Tupana pexna ãxü, na ngëmaãcü pegü ípepoxüxücèx i ngëxguma ngëma naãëgü pexü nachixexeëchaũgu. Rû ngëmaãcü tãütáma nüxü penguxü i ngëma naãëgü i chixexü rü tá nüxü perüporamaegü. <sup>14</sup> Rû ngemacèx name nixĩ i mea pegüna pedaugü na tama perü uwanümëxëgu peyixücèx. Rû penaxwae na pixaixcümagüxü na taxuwama nachixexücèx i perü maxü. <sup>15</sup> Rû name nixĩ i guxüguma ípememaregü na nüxü peyarüxugüexücèx i ngema ore i ngüxmüxëëruuxü. <sup>16</sup> Rû ngema guxüarü yexera ixixü nixĩ na aixcüma Cristuaxü peyaxögüxü na ngëmaãcü pegü ípepoxüxücèx nüxna i Chatanáne i ãücümaxü i namaã tüxü nachixexëẽchaũxü. <sup>17</sup> Rû name nixĩ i penayaxu i

ngema maxŭ i taguma gúxŭ na ngemamaã pegŭ ípexoxŭxúcèx ñoma wŭxi i churara i napatèxemaã nŭgŭ ípoxŭxŭrŭxŭ. Rŭ ngema Tupanaarŭ Ore i Naã i Ūünexŭ pexna ãxŭ, rŭ ngema nixŭ i pexne ixŭxŭ. <sup>18</sup> Rŭ tama name i nŭxŭ perŭchaue na peyumŭxègŭxŭ. Natŭrŭ name nixŭ i guxŭguma Tupanaã i Ūünexŭãrŭ ngŭxèẽmaã Tupanaxŭ pecèèxŭ. Rŭ penaxwae i pexuãẽ na taguma nŭxŭ perŭxoexŭcèx. Rŭ ngemaãcŭ name nixŭ i naxcèx peyumŭxègŭ i guxŭma i Tupanaarŭ duŭxŭgŭ. <sup>19</sup> Rŭ ngèxgumarŭŭ ta chanaxwèxe i chauxcèx peyumŭxègŭ na Tupana choxŭ rŭngŭxèẽxŭcèx rŭ choxna naxããxŭcèx i ngẽma ore i nŭma nanaxwèxexŭ na nŭxŭ chixuxŭ. Rŭ chanaxwèxe i Tupanana naxcèx peca na choxŭ naporaxèẽxŭcèx na tama chamuŭãcŭma nŭxŭ chixuxŭcèx rŭ mea chanangoxèẽxŭcèx i ngema norŭ ore i Cristuchiga ga noxrŭ exŭguxŭ i ñŭxma maxŭ tŭxna ãxŭ. <sup>20</sup> Rŭ ngẽma orexŭ na chixuxŭcèx nixŭ ga Tupana nŭgŭchicŭŭ choxŭ inamuxŭ. Rŭ ngẽmagagu nixŭ i chapoxcuxŭ i ñŭxmax. Rŭ chanaxwèxe i chauxcèx peyumŭxègŭ na tama chamuŭãcŭma meãma nŭma nanaxwèxexŭãcŭma nŭxŭ chixuxŭcèx i ngẽma norŭ ore.

*Pauru nanaguxèẽ ga norŭ popera rŭ wenaxãrŭ yema duŭxŭgŭxŭ narŭmoxè*

<sup>21</sup> Rŭ taeneẽ ya nŭxŭ ingechaŭcŭ ya Tíquicu, rŭ chauxrŭŭ aixcŭma meãma napuracŭ i tórŭ Coriarŭ puracŭwa. Rŭ nŭma tá pemaã nŭxŭ nixŭ i guxŭma i chauchiga na ñŭxãcŭ choxŭ naxŭpetŭxŭ i nuã. <sup>22</sup> Rŭ ngẽmacèx nixŭ i pexŭtawa chanamuxŭ, na pemaã nŭxŭ yaxuxŭcèx na ñŭxãcŭ toxŭ



naxüpetüxŭ, na ngẽmaãcü pexŭ nataãẽxẽẽxüçèx.  
<sup>23</sup> Pa Toeneẽgü i Yaxõgüxŭx, chanaxwèxe i  
 Tanatü ya Tupana rü tórü Cori ya Ngechuchu  
 ya Cristu pexŭ narü-ngüxẽẽgü i guxãma i pema  
 na meã pegümaã pemaxẽxüçèx, rü aixcüma  
 petaãẽgüxüçèx, rü pegü pengechaũgüxüçèx rü  
 meã peyaxõgüxüçèx. <sup>24</sup> Rü chanaxwèxe i Tanatü  
 ya Tupana nüxŭ narüngüxẽẽ i guxŭma i ngẽma  
 duũxügü i aixcümaxŭchi tórü Cori ya Ngechuchu  
 ya Cristuxŭ ngechaũgüxŭ. Rü ngẽmaãcü yĩ.

Rü nuãma pexna,  
 Pauru

**Tupanaarü Ore i Tóru Cori ya Ngechuchu ya  
Cristuchiga  
New Testament in Ticuna (PE:tca:Ticuna)**

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

**Copyright Information**

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Ticuna

**© 2008, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files dated 29 Jan 2022

9d5dc22a-30be-5d26-85a9-76047f4c89e6